

萬首唐人絕句

四

11223

漢書門類			
三	一	二	三
〇	一	二	三
冊	函	架	號

內閣文庫			
三	一	二	三
九	〇	一	二
函	冊	架	號
一	一	一	一
架	冊	架	號

內閣文庫		
番號	漢	11223
冊數	30	(7)
函號	319	68



書齋
韻

宋洪魏公進萬首唐人絕句卷之四

草文庫

韻

明吳郡趙宦允丹夫棊定
靈巖黃習遠伯傳竄補

五言四 中唐元

江行一百首

錢起

傾酒向漣漪乘流欲去時寸心同尺璧投此報
馮夷

江曲全縈楚雲氛半自秦峴山回首望如別故
關人

浦煙函夜色冷日轉秋旻自有沉碑在清光不

萬首絕句 卷之四

承

中

照人

楚岸雲空合楚城人不來只今誰善舞莫恨廢
章臺

行背青山郭吟當白露秋風流無屈宋空訊古
荊州

晚來漁父喜曾重欲收遲恐有長江使金錢願
贖龜

去指龍沙路徒懸象闕心夜涼無遠寢不爲偶
聞砧

霽雲疎有葉雨浪細無花穩放扁舟去江天自

有涯

好日當秋半層波動旅腸已行千里外誰與共
秋光

潤色非東里官曹更建章宦遊難自定來喚櫂
船郎

夜江晴未曉徒惜月光沈不是因行樂堪傷老
大心

類苑
闕

翳日多喬木維舟取束薪靜聽江叟語俱是厭
兵人

箭漏日初短汀煙艸木衰雨餘雖更綠不是采

蘋時

山雨夜來漲喜魚跳滿江岸沙平欲盡垂蓼入船窻

渚邊新鴈下舟上獨淒涼俱是南來客憐君綴一行

牽路緣江狹沙崩岸不平盡知行處險誰肯載時輕

雲密連江暗風斜著物鳴一杯真戰將笑爾作愁兵

柳拂斜開路籬邊數戶村可能還有意不出

江門

不識相如渴徒吟子美詩江清惟獨看心外更誰知

憔悴異靈均非讒作逐臣如逢漁父問未是獨醒人

水涵秋色靜雲帶夕陽高詩癖非吾病何妨吮短毫

帶舟維古岸還似阻西陵箕伯無多怒回頭詎不能

帆翅初張處雲鵬怒翼同莫愁千里路自有到

來風

愁雲久無雨江燕社猶飛
卻笑舟中客今年未得歸

佳節雖逢菊浮生正似萍
故山何處望荒岸小長亭

行到楚江岸蒼茫人正迷
祇如秦塞遠格磔鷓鴣啼

月下江流靜村荒人語稀
鷺鷥雖有伴仍共影雙飛

斗轉月未落舟行夜已深
有村知不遠風便數

聲砧

棹驚沙鳥迅飛濺夕陽波
不顧魚多處應防一目羅

漸覺江天遠難逢故國書
可能無往事空食鼎中魚

岸艸連荒色村聲樂稔年
晚晴貪穫稻閒卻采菱船

灘淺爭遊鷺江清易見魚
怪來吟未足秋物欠紅蕖

蛩響依莎艸螢飛透水煙
夜涼誰訊史空泊運

萬首絕句

卷之四

四

中

租船

睡穩葉舟輕風微浪不驚任君蘆葦岸終夜動
秋聲

自念平生生意曾期一郡符豈知因謫宦斑鬢入
江湖

煙渚復煙渚畫屏休畫屏引愁天未去數點暮
山青

水天涼夜月不是少清光好景隨人物秦淮憶
建康

古來多思客搖落恨江潭今日秋風至蕭疎獨

河南

映竹疑村好穿蘆覺渚幽漸安無曠土薑芋當
農收

秋風動客心寂寂不成吟飛上危檣立鶯啼報
好音

見底高秋水開懷萬里天旅吟還有伴沙柳數
枝蟬

九日自佳節扁舟無一杯曹園舊尊酒戲馬憶
高臺

兵火有餘燼貧村纔數家無人爭晚渡殘月下

寒沙

渚禽菱芡足不向稻梁爭靜宿溪灣月應無失
侶聲

輕雲未護霜樹杪橘初黃信是知名物微風過
水香

渺渺望天涯清漣浸赤霞難逢星漢使烏鵲日
乘查

土曠溪耕少江平遠釣多生平皆棄本金革竟
如何

海月非常物等閒不可尋披沙應有地淺處定

無金

風晚冷颼颼蘆花已白頭舊來紅葉寺堪憶玉
京秋

風好來無陣雲閒去有宗釣歌無遠近應喜罷
鰲鱉

吳疆連楚甸楚俗異吳鄉漫把尊中物無人啄
蟹匡

岸綠野煙遠江紅斜照微撐開小魚艇應到月
明歸

雨餘江始漲漾漾見流薪曾歎河中木斯言憶
萬首絕句

古人

維夏口煙野獨行時不見頭陀寺空懷幼

婦

晚泊武昌岸津亭疎柳風數株曾手植好事憶

陶公

墜露晚猶濃秋花不易逢涉江雖已晚高樹牽

芙蓉

舟航依浦定星斗滿江寒若比陰霾日何妨夜

未闌

近戍離金落孤岑望火門惟將知命意瀟灑向

乾坤

叢菊生隄上此花長後時有人還采掇何必在

春期

夕景殘霞落秋寒細雨晴短纓何用濯舟在月

中行

隄壞漏江水地坳生野塘晚荷人不拚留此作

秋香

左宦終何路攄懷亦自寬襍牋嘲白鷺無意論

梟鸞

樓空人不歸雲白去時衣黃鶴無心下長應笑

萬首絕句 卷之四

七

千二百六

令威

白帝朝驚浪陽臺暮映雲等閑生險易世路祇如君

櫓慢生輕浪帆虛帶白雲客船雖狹小容得庾將軍

風雨正甘寢雲霓忽晚晴放歌雖自遣一歲又崢嶸

靜看秋江水風微浪漸平人間馳競處塵土自波成

風借帆方疾風回櫂卻遲校量人世事不減一

毫釐

咫尺愁風雨匡廬不可登祇疑雲霧窟猶有六朝僧

幽思正遲遲沙邊濯弄時自憐非博物猶未識鳧葵

曾有煙波客能歌西塞山落花惟待月一釣紫菱灣

千頃水紋細一拳嵐影孤君山寒樹綠曾過洞庭湖

光潤重湖水低斜遠鴈行未曾無興詠多謝沈

東陽

晚菊繞江壘忽如開古屏莫言時節過白日有餘馨

秋寒鷹隼健逐雀下雲空知是江湖濶無心擊塞鴻

日落長亭晚山門步障青可憐無酒分處處有旗亭

江艸何多思冬青尚滿洲誰能驚鵬鳥作賦爲沙鷗

遠岸無行樹經霜有伴紅停船搜好句題葉贈

江楓

身世比行舟無風亦暫休敢言終破浪惟願穩乘流

數畝蒼苔石煙濛鶴卵洲定因詞客遇名字始風流

興閑停桂楫路好過松門不負佳山水還開酒一樽

幽懷念煙水長恨隔龍沙今日滕王閣分明見落霞

短楫休敲桂孤根自駐萍自憐非劍氣空向斗

牛星

江流何渺渺懷古獨依依漁父非賢者蘆中但有磯

高浪如銀屋江風一發時筆端降太白才大語終奇

細竹漁家路晴暘看結繒喜來邀客坐分與折腰菱

幸有煙波興寧舜筆硯勞緣情無怨刺卻似反離騷

平湖五百里江水想通波不柰扁舟去其如決

計何

數逢雲斷處去岸映高山身到韋江日應猶未得閑

一灣斜照水三板順風船未敢相邀釣勞生只自憐

江雨正霏微江村晚渡稀何曾妨釣艇更待得魚歸

沙上獨行時吟情到楚詞難將垂岸蓼盈把當江離

新野舊樓名潯陽勝賞情照人長一色江月共

淒清

願飲西江水那吟北渚愁莫教留滯跡遠比蔡

昭侯

湖口分江水東流獨有情當時好風物誰伴謝

宣城

潯陽江畔菊應似古來秋爲問幽棲客吟時得

酒不

高峰有佳號千尺倚寒風若使鑪煙在猶應爲

上公

萬木已清霜江邊村事忙故溪黃稻熟一夜寢

中香

楚水苦縈回征帆落又開可緣非直路却有好

風來

遠謫歲時宴暮江風雨寒仍愁繫舟處驚夢近

長灘

赴章陵酬李卿贈別

一官叨下秩九棘謝知音芳艸文園路春愁滿

別心

郎員外見尋不遇

軒騎來相訪漁樵悔晚歸更憐誰露跡花裏點

萬首絕句
卷之四
艷淨如籠月香寒未逐風桃花徒照地終被笑
妖紅

望山臺

望山登春臺目盡趣難極晚景下平阡花際霞
峰色

板橋

靜宜樵隱度遠與車馬隔有時行藥來喜遇歸
山客

石井

片霞照僊井泉底桃花紅那知幽石下不與武

陵通

古藤

引蔓出雲樹垂綸覆巢鶴幽人對酒時苔上閑
花落

洞僊徑

幾轉到青山數重度流水秦人入雲去知向桃
源裏

藥圃

春畦生百藥花葉香初霽好日與光風偏來入
叢蕙

善言 雜命 卷之四

十三

百五十九

石上苔

淨與溪色連。幽宜松雨滴。誰知古石上。不染世人跡。

竹間路

暗歸艸堂靜。半入花源去。有時載酒來。不與清風遇。

東坡

永日興難忘。掇芳春陂曲。新晴花枝下。愛此苔水綠。

花

幽石生芙蓉。百花慚美色。遠笑越溪女。聞芳不可識。

潺湲聲

亂石跳素波。寒聲聞幾處。颼颼暝風引。散出空林去。

松下雪

雖因朔風至。不向瑤臺側。惟助苦寒松。偏明後凋色。

晚歸鷺

池上靜難厭。雲間欲去晚。忽背夕陽飛。剩與清萬首絕句 卷之四

十四

百六十

風遠

窻裏山

遠岫見如近千重一窻裏坐來石上雲乍調壺
中起

竹嶼

幽鳥清漣上興來看不足新篁壓水低昨夜鴛
鴦宿

砌下泉

穿雲來自遠激砌流偏駛能資庭戶幽更引海
禽至

戲鷗

乍依菱蔓聚盡向蘆華減更喜好風來數片翻
晴雪

遠山鐘

風送出山鐘雲霞度水淺欲尋聲盡處鳥滅寥
天遠

池上亭

臨池架杏梁待客歸煙塘水上褰簾好蓮間杜
若香

田鶴

鶴首絕句

卷之二

七

田鶴望碧宵無風亦自舉單飛後片雲早晚及前侶

南陂

家住鳳城南門臨古陂曲時憐上林鴈半入池塘宿 右藍溪雜詠廿一首

送李明府去官

謗言三至後直道歎何如今日藍溪水無人不夜漁

言懷

夜片霽未好雲泉堪夢歸如何建章漏催著星

朝衣

逢雪宿芙蓉山

劉長卿

日暮蒼山遠天寒白屋貧柴門聞犬吠風雪夜歸人

送客之閩中

朝無寒士達家在舊山貧相送天涯裏憐君更遠人

贈秦系二首

此人 群公誰讓位五柳獨知貧惆悵青山路煙霞老

初迷武陵路復出孟嘗門回首江南岸青山與
舊恩

夜中對雪贈秦系時秦初與謝氏離婚謝
氏在越

月明花滿地君自憶山陰誰遣因風起紛紛亂
此心

湘妃

帝子不可見秋風來暮思嬋娟湘江月千載空
蛾眉

斑竹

蒼梧千載後斑竹對湘沅欲識湘妃怨枝枝滿
淚痕

春艸宮懷古

君王不可見芳艸舊宮春猶帶羅裙色青青向
楚人

正朝覽鏡

憔悴逢新歲芳菲見舊春朝來明鏡裏不忍白
頭人

瓜洲送李端公

片帆何處去匹馬獨歸遲惆悵江南北青山欲

暮時

送張十八歸桐廬

歸人乘野艇帶月過江邨正落寒潮水相隨夜到門

過白鶴觀尋岑秀才不遇

不知方外客何事鎖空房應向桃源裏教他喚阮郎

聽彈琴

冷冷七絃上靜聽松風寒古調雖自愛今人多不彈

詠墻陰下葵

此地常無日青青獨在陰太陽偏不及非是未傾心

入百丈澗見桃花晚開

百丈深澗裏過時花欲妍應緣地勢下遂使春風偏

送子婿往揚州四首

渡口發梅花山中動泉脈蕪城春艸生君作揚州客

半邏鶯滿樹新年人獨還落花逐流水共到菜

莫灣

鴈還空渚在人去落潮翻臨水獨揮手殘陽歸
掃門

狎鳥攜稚子釣魚終老身殷勤囑歸客莫話桃
源人

寄龍山道士

悠悠白雲裏獨住青山客林下晝焚香桂花同
寂寂

送方外上人

孤雲將野鶴豈向人間住莫買沃洲山時人已

知處

送靈澈

蒼蒼竹林寺杳杳鐘聲晚荷笠帶夕陽青山獨
歸遠

茱萸灣

荒涼野店絕迢遞人煙遠蒼蒼古木中多是隋
家苑

赴楚州阻淺

楚城今近遠積霽寒塘暮水淺舟且遲淮潮至
何處

江中對月

空洲夕煙歛望月秋江裏歷歷沙上人月中孤
渡水

平蕃曲三首

吹角報蕃營回軍欲洗兵已教青海外自築漢
家城

渺渺戍煙孤茫茫塞艸枯隴頭那用閉萬里不
防胡

絕漠大軍還平沙獨戍閑空畱一片石萬古在
燕山

尋賀九不遇

楚水日夜綠傍江春艸深青青遙滿目萬里傷
歸心

送友人

對酒灞亭暮相看愁自深河邊艸已綠此別難
為心

題佛殿前孤石

孤石自何處對之如舊游氛氳峴首夕青翠刻
中秋

山中即事

郎士元

入谷多春興乘舟棹碧潯山雲昨夜雨溪水曉
來溪

留盧秦卿

知有前期在歡如此夜中無將故人酒不及石
尤風穎兒作戴叔倫非

春日歸家

李嘉祐

自覺勞鄉夢無人見客心空餘庭艸色日日伴
愁襟

遠寺鐘

疎鐘何處來度竹兼拂水漸逐微風斂依依猶

在耳

白鷺

江南淶水多顧影逗輕波終日秦雲裏山高柰
若何

秋日

耿滯

反照入閭巷愁來誰共語古道無人行秋風動
禾黍

拜新月

開簾見新月便即下階拜細語人不聞北風吹
裙帶舊作李端非

萬首絕句

卷之四

五

題雲際寺故僧院

白髮忽忽色青山草草心
遠公仍下世從此別東林

觀鄰老栽松

雖過老人宅不解老人心
何事殘陽裏栽松欲待陰

贈胡居士

孔融過五十海內故人稀
相府恩猶在知君未拂衣

薦福寺送元偉

送客攀花後尋僧坐竹時
明朝莫回望青州馬行遲

哭苗壘

舊友無由見孤墳艸欲長
月斜鄰笛盡車馬出山陽

客行贈人

旅行雖別路日暮各思歸
欲下今朝淚知君亦濕衣

贈山老人

白首獨一身青山為四鄰
雖行故鄉陌不見故

鄉人

慈恩寺殘春

雙林花已盡，葉色占殘芳。若問同游客，高年最斷腸。

秋夜

高秋夜分後，遠客鴈來時。寂寂重門掩，無人問所思。

早行

匹馬曉路歸，悠悠渭川道。晴山向孤城，秋日滿白艸。

贈李唐山人

戴叔倫

此意無所欲，閉門風景遲。柳條將白髮，相對共垂絲。類苑

題秦隱君麗句亭

北人歸欲盡，猶自住蕭山。閉戶不曾出，詩名滿世間。

荅孫常州見憶

畫鷁春風裏，超遙去若飛。那能寄相憶，不並子猷歸。類苑

送裴明州效南朝體

詞言類例
詞一
沅水連湘水，千波萬浪中。知郎未得去，慚愧石尤風。
類苑闕

戲畱顧明府

江明兩初歇，山暗雲猶濕。未可動歸橈，前程風浪急。

荅崔載華

文案日成堆，愁眉拽不開。偷歸龕間臥，逢箇楚狂來。
類苑闕

將赴行營勸客同醉

絲管霜天夜，煙塵淮水西。明朝上征去，相伴醉

如泥

類苑闕

夏夜江樓會別

不作十日別，煩君此相畱。雨餘江上月，好醉竹間樓。

歲除日追赴撫州辨對畱別崔法曹

上國杳未到，流年忽復新。回車不自識，君定送何人。
類苑闕

江館會別

離亭一會宿，能有幾人同。莫以回車泣，前途不盡窮。
類苑闕

萬首絕句

卷之四

二五

容州回逢陸三別

西南積水遠老病喜生歸此地故人別空餘淚
滿衣類苑

古意寄呈王侍郎

夜光貯懷袖待報一顧恩日向江湖老此心誰
為論類苑

送李大夫渡口阻風

浪息定何時龍門到恐遲輕舟不敢渡空立望
旌旗類苑

過三閭廟

沅湘流不盡屈宋怨何深日暮秋風起蕭蕭楓
樹林

泊湘口

湘山千嶺樹桂水九秋波露重猿聲絕風清月
色多

遊道林寺

佳山路不遠俗侶到常稀及此煙霞暮相看復
欲歸

後宮曲

初入長門宮謂言君戲妾寧知秋風至吹盡庭

前葉

新別離

手把杏花枝。未曾經別離。黃昏掩閨後。寂寞心自知。

昭君詞

漢宮若遠近。路在寒沙上。到死不得歸。何人共商望。

勸陸士飲酒

寒郊好天氣。勸酒莫辭頻。擾擾鍾陵市。無窮不醉人。

關山月

月出照關山。秋風人未還。清光無遠近。鄉淚半宵間。

酬崔法曹遺劍

臨風脫佩劍。相勸靜胡塵。自料無筋力。何由答故人。

敬報孫常州二首

衰病苦奔走。未嘗追舊遊。何言問憔悴。此日駐方舟。

遠道曳故屐。餘春會高齋。因言別離久。得盡平

生懷

將赴東陽畱上包諫議

敝邑連山遠，德舟數刻同。多慚屢回首，前路在

泥中。類苑闕

荅崔法曹

後會知不遠，今歡亦願畱。江天梅雨散，況在月

中樓。類苑闕

問嚴居士易

自公來問易，不復待加年。更有垂簾會，延知續

艸玄。類苑

新年第二夜荅處上人宿玉芝觀見寄

陽春已三日，會友聞昨夜。可愛剡溪僧，獨尋陶

景舍。類苑闕

赴撫州對酬崔法曹夜雨滴空階五韻

雨落濕孤客，心驚比棲鳥。空階夜滴繁，相亂應

到曉。類苑闕

高會棗樹宅，清言蓮社僧。兩鄉同夜雨，旅館又

無燈。類苑闕

謗議不自辨，親朋那得知。雨中驅馬去，非是獨

傷離。類苑闕

離室雨初晦客程雲斗暗方為對吏人敢望郵

童揆類苑

縱酒常擲盞狂歌時入室離羣怨雨聲幽抑方

成疾類苑

又酬曉鐙離暗室五首

知疑奸叟謗聞與情人話猶是別時鐙不眠同

此夜類苑

寒鐙揚曉焰重屋驚春雨應想遠行人路逢泥

濘阻類苑

鐙光照虛屋雨影懸空壁一向簷下聲遠來愁

處滴類苑

楚僧話寂滅俗慮比虛空賴有殘鐙喻相傳昏

暗中類苑

雨聲亂鐙影明滅在空階併在五言贈知同萬

里懷類苑

同賦龍沙墅

回轉沙岸近欹斜林嶺重因君訪遺跡此日見

真龍

贈張揮使

謫戍孤城小思家萬里遙漢廷求衛霍劔佩上

青霄補

口號

白髮千莖雪寒窗懶著書最憐吟首蒼不及向

桑榆補

遣興

明月臨滄海閑雲戀故山詩名滿天下終日掩

柴關補

北山游亭

西崦水冷冷沿岡有游亭自從春艸

延見祇

青青補

山居

麋鹿自成群何人到白雲山中无外事終日醉

醺醺補

宿無可上人房

偶來人境外何處染囂塵倘許栖林下僧中老

此身補

艸堂一上人

一公持一鉢相復度遙岑地瘦無黃獨春來艸

更深補

題天柱山圖

萬首絕句

卷之四

七

一百七十五

拔翠五雲中。擎天不計功。誰能凌絕頂。看取日
升東。補

松鶴

雨溼松陰涼。風落松花細。獨鶴愛清幽。飛來不
飛去。補

隄上柳

垂柳萬條絲。春來識別離。行人攀折處。閨妾斷
腸時。補

惜春傷故人孟郎中

李益

畏老身全老。逢春解惜春。今年看花伴。已少去

年人

聽歌赤白桃李花

赤白桃李花。先皇在時曲。欲向西宮唱。西宮宮
樹綠。

江南曲

嫁得瞿塘賈。朝朝誤妾期。早知潮有信。嫁與弄
潮兒。

贈盧綸

世故中年別。餘生此會同。却將悲與病。獨對朗
陵翁。

萬首絕句

卷之四

三十

一百六十五

贈邢校書

俱從四方士，共會九秋中。
斷蓬與落葉，相值各因風。

照鏡

衰鬢臨朝鏡，將看却自疑。
慚君明似月，照我白如絲。

路傍柳送人赴延州使府

路傍一株柳，此路向延州。
延州在何處，此路起邊愁。

書院無曆日問路侍御六月大小

野性迷堯曆，松窓有道經。
故人爲柱史，爲我數階羹。

見亡人題壁

今日憶君處，憶君君豈知。
空餘暗塵字，讀罷淚仍垂。

軍次陽城烽舍北流泉

何地可潛然，陽城烽舍邊。
今朝望鄉客，不飲北流泉。

天津橋南山中

野坐分苔石，山行遶菊叢。
雲衣惹不破，秋色望萬首絕句六卷之四

來空

荅竇二曹長留酒還榼

榼小非由榼星郎是酒星解醒元有數不用嚇
劉伶

聞雞贈主人

膠膠司晨鳴報爾東方旭無事戀君軒今君重
鳧鵠

石樓山見月

紫塞連年戍黃沙磧路窮故山今夜宿見月石
樓中類苑

荅廣宣供奉問蘭陵居

居北有朝路居南無住人勞師問家第山色是
南鄰

觀射騎

邊頭射鵬將走馬出中軍遠見平原上翻身向
暮雲

幽州

征戍在桑乾年年薊水身後勤驛西路此去向
長安

金吾子

萬首絕句六卷之四

三三二

繡帳博山鑪銀鞍馮子都黃昏莫攀折驚起欲
栖鳥

鷓鴣詞

湘江斑竹枝錦翅鷓鴣飛處處湘雲合郎從何

處歸類苑

立秋前一日覽鏡

萬事銷身外生涯在鏡中惟將滿髮雪明月對

秋風類苑

代人乞花

繡戶朝眠起開簾滿地花春風解人意吹落妾

西家類苑

上洛橋

金谷園中柳春來似舞腰何堪好風景獨上洛

陽橋類苑

揚州懷古

故國歌鐘地長橋車馬塵彭城閣邊柳偏似不

勝春類苑

水宿聞雁

早雁忽為雙驚秋風水窻夜長人自起星月滿

空江類苑

揚州早雁

江上三千雁年年過故宮可憐江上月偏照斷

根蓬

類苑闕

下漏樓

話舊今應遠逢春喜又悲看花行拭淚倍覺下

樓遲

類苑闕

登樓見白鳥

一鳥如霜雪飛下白樓前問君何以至天子太

平年

乞寬禪師瘦山疊

石色疑秋蘚峰形若夏雲誰留柰苑地好贈杏

磯君

和張僕射塞下曲六首

盧綸

鷲翎金僕姑鷲尾繡螭弧獨立揚新令千營共

一呼

林暗艸驚風將軍夜引弓平明尋白羽沒在石

稜中

月黑鴈飛高單于夜遁逃欲將輕騎逐大雪滿

弓刀

野幕蔽瓊筵羌戎賀勞旋醉和金甲舞雷鼓動

山川

調箭又呼鷹俱聞出世能奔狐將逆雉掃盡古
丘陵

亭亭七葉貴蕩蕩一隅清他日題麟閣惟應獨
不名

天長地久詞三首

玉砌紅花樹香風不敢吹春光解人意偏發殿
南枝

虹橋千步廊半在水中央天子方消暑宮娃起
夜妝

辭輦復當熊傾心奉六宮君王若看貌其在衆

妃中

妾薄命

妾年初二八兩度嫁狂夫薄命今猶在堅貞掃
地無

酬李益端公夜燕見贈

戚戚一西東十年今始同可憐歌酒夜相對兩
衰翁

長門怨

空宮古廊殿寒月落斜暉臥聽未央曲滿箱歌

舞衣

春詞

北苑羅裙帶塵衢錦繡鞋醉眠芳樹下半被落花埋

與暢當夜泛秋潭

螢火颺蓮蕖水涼多夜風離人將落葉俱在一

船中補

送吉中孚校書歸楚州舊山十一首

青袍芸閣郎談笑揖侯王舊錄藏雲穴新詩滿

帝鄉補

名高閑不得到處人爭識誰知冰雪顏已禿風

塵色補

此去復如何東臯岐路多藉芳臨紫陌迴首憶

滄波補

年來倦蕭索但說淮南樂並檝湖上游連檣月

中泊補

公溜入閣門千鐙夜市喧喜逢隣舍伴遙語問

鄉園補

下淮風自急樹杪分郊邑送客隨岸行離人出

帆立補

漁村繞水田澹澹隔晴煙欲就林中醉先期石
上眠補

林昏天未曙但向雲邊去暗入無路山心知有
花處補

登高日轉明下望見春城洞裡艸空長塚邊人
自耕補

寥寥行異境過盡千峰影露色凝古壇泉聲落
寒井補

僊成不可期多別自堪悲為問桃源客何人見
亂時補

酬人

孤鷺將雀羣晴日麗春雲何幸晚飛者清音長
此聞補

贈別司空曙

有月曾同賞無秋不共悲如何與君別又是菊
花時補

同李益傷秋

歲去人頭白秋來樹葉黃搔頭向黃葉與爾共
悲傷補

白髮嘆

萬首絕句

卷之四

三七

一百五

髮白曉梳頭。女驚妻淚流。不知絲色後。堪得幾
回秋補

贈李果毅

向日磨金鏃。當風着錦衣。上城邀賊語。走馬截
鵬飛補

春游東潭

移舟試望家。漾漾似天涯。日昏滿潭雪。白鷗和
柳花補

同錢郎中晚春過慈恩寺

不見僧中舊。仍逢雨後春。惜花將愛寺。俱是白

頭人補

夜半步次古城

楊衡

茫茫行復坐。惟有古時城。夜半無烏雀。花枝當
月明

邊思

蘇武節旄盡。李陵音信稀。花當隴上發。人向隴
頭歸

題花樹

都無看花意。偶到樹邊來。可憐枝上色。一一為
愁開

宿吉祥寺寄廬山隱者

風鳴雲外鐘鶴宿千年松相思杳不見月出山
重重

聽箏

李端

鳴箏金粟柱素手玉房前欲得周郎顧時時誤
拂絃

雜詩

主第辭高飲石家赴宵會金谷走車來玉人騎
馬待

同司空文明過堅上人故院

我與雷居士平生事遠公無人知是舊共到影
堂中

贈何兆

文章似揚馬風骨又清羸江漢君猶在英靈信
未衰

感興

香爐最高頂中有高人住日暮下山來月明上
山去補

送人下第

獻策未得意馳車東出秦暮年千里客落日萬

家春

妄薄命

自從君棄妾，憔悴不羞人。惟餘壞粉淚，未免映衫勻。

送僧遊春

獨將支遁去，欲往戴顓家。晴野人臨水，春山樹發花。

晦日遊曲江

晦日同攜手，臨流一望春。可憐楊柳陌，愁殺故鄉人。

溪行逢雨與柳中庸

日落衆山昏，蕭蕭暮雨繁。那堪兩處宿，共聽一聲猿。

和張尹憶東籬菊

傳書報劉尹，何事憶陶家。若為籬邊菊，山中有此花。

蕪城

風吹城上樹，草沒城邊路。城裏月明時，精靈自來去。

挽歌

于鵠

陰風吹黃蒿晚歌渡秋水車馬却歸城孤墳月明裏

古詞

素絲帶拖地窻間掬飛塵偷得鳳皇釵門前戲乞人補

新長青絲髮啞啞言語黠隨人敲銅鏡街頭救明月補

東家新長兒與妾同時生並長兩心熟到大相呼名補

同諸君尋李方真不遇

包何

聞說到揚州吹簫有舊遊人來多不見疑是上迷樓補

城隍廟賽雨二首

羊士諤

零雨慰斯人齋心薦綠蘋山風簫鼓響如祭敬亭神


積潤通千里推誠奠一卮回颿經畫壁忽似偃雲旗

初移琪樹

爰此丘中物煙霜盡日看無窮白雲意更助綠牕寒

萬首經合
卷之四

四



元和三年孟冬十六夜
点丹于塔下
送表

